

四庫全書

集部

欽定四庫全書

集部

倚松詩集卷二

詳校官庶吉士臣初焉齡
侍讀臣孫球覆勘

覆校官中書臣呂雲棟

校對官編修臣汪鏞

謄錄監生臣翟灝

欽定四庫全書

倚松詩集卷二

宋 饒節 撰

律詩上

王信玉生日

簪笏誰非嗣才能恐未難傳家推有守樹德莫如寬賤
子敢為佞明公信可觀四維開雉堞千頃漲波瀾逮下
亡圭角逢人倒肺肝月評終許劭愛客自袁安袁安博
愛客衆

無所簡擇賓客入門賢愚皆得所欲

不偽心常逸忘機體更胖所臨惟簡

易有道息彫殘使節輶車穩兵符玉具乾百城同鑠靜
萬井益歌歡退食公無事揮毫妙可利笙歌珠履醉風
月井梧寒諸子仍聞道羣雛半著冠居然謝紈綺沃若
秀芝蘭表裏初無憾行藏晚竟完向來三徑志欲了五
車看異日人爭誦來徵印已利恐須煩柱石從此接駕
鷹直道惟天相亨衢豈自干祝公千歲壽終始立朝端

九月六日駕幸蔡王府

詔可觀光夾路民雍容禁衛見寬仁天光湛湛乾坤淨

玉色溫溫草木春虛駕老臣人望重降輿新第聖恩親
屬車未御鈞天奏只有歡聲滿後塵

過關山用同行韻

風來幡動作真觀耳倒聲邊亦妄聞自笑敝貂蘓季子
苦求知畫宋元君關山行李今三反燈火工夫費幾分
安得一塵留我老抱琴矯首送浮雲

遇里人道及鄉間事作詩寄謝無逸

敝貂去國漫西東聞說一作遇想鄉間夢寐中賈豎裏頭仍

納婦驪駒將子又追風雲山何處非投老文史他年不
療窮富貴可求吾亦懶眼看餘子化王公

謁漢高帝廟

鳳凰山下綠茫茫殺氣猶纏古戰場他日英雄矜勝敗
今時田野詰興亡狗烹兔死已千載雷動風行尚一方
祈禱過客若餘秦父老拜祠應有泪浪浪

贈霍明府偉

南海先生不諱窮鬢髯如戟氣如虹異時磅礴風塵外

今日低回文課中政事有誰咨塞老功名未合愧終童
何人為草陽城薦臺閣差差振古風

次韻張符離民師適堂即事

三考符離課獨優政成囹圄自無囚滿堂文史閑闕令
一榻薰風對奕秋刑措似聞間巷語年登仍解廟堂憂
從今尊酒留佳句折獄何勞比仲由

汪信民約諸人遊城南陳氏園不果

先生休沐不譚經準擬行槳到野亭興盡回船散童騎

客來呼吏出盆餅奩中白黑誰成敗醕底聖賢同醉醒
却笑伯倫尚多事苦憐江漢載浮萍

贈隱居

竟體芳蘭君可人一軒風月澹無鄰絲麻十畝他年老
文史三冬上世貧渾渾淄澑空自辨聃聃狼虎謾相親
了然道眼都無許祇有鶯花滿意春

次韻彭聖從秋興

淡雲踈雨承秋早白露清風引夜長已見畢星朝北極

似聞驍騎卷西涼隻雞還我田家味小謄須君官焙香
千古步兵今遠矣屬誰長嘯作鸞凰

題滄浪亭

君構虛亭古岸頭我來登覽判千憂丈人釣艇波瀾濶
孺子歌聲草樹秋山似畫屏隨屈曲人如楊柳擅風流
他年若有江湖具乘興因君棹小舟

次韻米元章壯觀

曉色村村澹春風樹樹穠八窓中夜月千里隔江峰酒

道窮通樂詩原左右逢客來應下榻石銚煮長松

端午日二首

艾葉斜枝短菖蒲瘦節長綠雲依鬢亂紅雪落杯香風物江淮似功名歲月忙澤間人弔屈應有汨浪浪

其二

異代多同俗千秋餉楚魂人才終可惜祀事故常存赤
函豐禾黍閑民長子孫憐渠身世拙滿眼暮雲屯

山居二首

小徑深通竹蹊籬巧過藤冷猿嘯古木飢鷺啄寒冰貴
客終難屈蓬門不用磨此中有佳處黃卷短檠燈

其二

門擁深深草溪明袁袁沙冷煙浮菜甲小雨薦茅牙老
興元無繫春工竟自華鄰翁却相可步屧過渠家

送王長元同弟次元赴官

梁苑春未競隋河凍尚肥鬚毛開老境甲子運天機華
鄂君方仕燕蘿我未歸憑將汝南塵慎對可人揮

蒲適正挽歌

吾道何多塞蒼天呼不聞梗楠初有待涇渭竟難分閱
世中庸行隨時俗下文想君九原恨著草露紛紛

息慮軒詩

雨暗藤經屋春深草到門客來非問字鶴老不乘軒花
氣飈詩思松聲撼醉魂呼兒換香鼎趺坐竟黃昏

歲暮

浩蕩生涯計淒涼客子心歲從官歷盡憂入鬢毛深月

氣含窓戶湯聲轉金鶯餘生無所慕持此卧山林

送宿州晁祖禹簽判

祖禹承議簽宿三年郡事
倚辦為多僚屬士民莫不

嗟惜其去節作
小詩聊致意焉

一見晁公子雍容前輩風規撫俗吏外步作古人中環佩千官合梯航九驛通空虛循吏傳誰為薦諸公

九日發淮康

九日非吾事黃花亦謾生未傾彭澤酒還背汝陽城細雨秋天近西風白葛輕山村遠城市可有笑歌聲

秋日遊城南展氏園登閣

金燈奮鬢階砌寬楊柳緩帶樓閣閑我來不為春事促

西風斜日面前山

製藥

身如逆旅無非我豈謂昌陽信引年南北未能忘世故
藥囊隨處却安禪萬金良藥吾何用九轉丹砂世謾傳
草木精華如可貰未妨巾屨地行仙

麻城道中

拱道新松無數青晚風一作曉風十里撼江聲棟梁不是尋
常度宜有長材待老成

過淮

淮山漠漠水潭潭落日孤雲自不堪今夜月明風更急
憑吹魂夢到江南

從人覓山水扇二首

少壯崎嶇山水間短衣楚製略勝寒年來疲病歸期墮
只乞君家便面看

其二

愛君才氣耻言兵
欲倚詩書繼老成
手裏林泉當付我
恐妨抽板揖公卿

偶書

廣離騷罷獨支頤
萬里江山座上歸
門外不知蠻戰觸
滿窓蚊子刺明飛

自簡

錯龜數策願分疑
筮短龜長一是非
但把故吾重簡練

不須分畫見郊圻

以太學燈籠遺陳松老

陳乃汶義
學士孫

君有傳家三尺檠巨編長軸稱經營時文今是蠅頭字
遺子終南捷徑行

聞說

聞說南方仍歲旱十家生事九家空君王分寄二千石
避寢何人舍蓋公

鄰雞

鄰雞振羽非惡聲北斗倒挂玉繩橫朋來勞苦飢寒

闕

久雨偶晴見日

濃陰百日漫西東洶洶隋河夜欲洪但得望堯常拜手
誰能畏俎輒逃空

趙元達久不至池上作詩戲之

雨後新荷擁岸青菰蒲相向立蜻蜓此中佳處君知否

應對文君賦小星

趙細君頤嚴

再用韻

楊柳池塘表裏青魚兒偷眼畏蜻蜓夜來雨過菖蒲靜
倒浸中天四五星

書天源河上友人壁

春色撩人不奈渠紅塵無處可飛鳬懸知桃李付流水
來看垂楊十萬株

次韻答陳考城

袖裏楞伽非世書了知乾沒未殊途會携他日已漫刺

歸謁南山五大夫

為謝無逸賦梅花二首

頓有亭前春耐寒年年扶杖雪中看不知謝子題詩處

比得王家第幾般

王立之家
梅品甚多

其二

聞道香寒臥雪枝瓊樓玉戶巧相依可憐今日移根處

王謝堂前燕子飛

戲趙元達

竹木王孫不嗣音老夫多病轉侵尋可憐一息絕纓會
破壞經年設醴心

冬日書謝氏園壁

瓦缶藏春土脉乾嫣香已謝菊花園履聲遠盡欄干曲
肅肅松風作暮寒

卧雲堂

補牢初未益亡羊聊伴閑雲卧草堂君解入官雲作雨
未應舒卷却相妨

聽松軒

老龍偃蹇據巖壑
匠石營材城市中
自有幽人不相負
解凭曲几聽秋風

觀魚閣

紛紛乾沒可憐渠
小閣詩書自有餘
日背竹林風過柳
試扶松檻看浮魚

快目亭

文字遮人窓閉蠅無人
傳與衛生經我愁爛漫
不可寫

須上君家快目亭

病中兩絕句

芒鞋藜杖世緣輕無妄誰令水火爭造物小兒莫相苦
此中無物可虧成

其二

暑濕相乘勢益昌呼童煮藥不知方懸知草木皆憑藉
聊為形骸作主張

春日即事二首

人言春事經桃李我欲要之病未任昨日強隨年少去看花那復故時心

其二

風光竟歲宜人少樂事惟春取數多果下小駘君借我一鞭隨意掠煙莎

送同舍葛茂達還浙東二首

豈無強醉陽司業固有無錢鄭廣文三請未能勤問道一歸今日願從君

其二

隋河東下一千里僮僕未知行李勞聞道杞苗今結子
憑君飽食賦離騷

次韻呂原明侍講歡喜四絕句

麥熟

黃雲千頃起邱山鋤缶村村自往還懸知大作今年社
我欲從渠季孟間

拾麥

搗錙霍霍穟紛紛多謝遺餘界後人負載歸來對妻子
始知身是太平民

蠶熟

絲在機頭角未乾兒孫衣褐眼中完茅簷翁嫗自相壽
飽暖渾家感縣官

盜荅

似聞有盜起空舍聞說驅除一作已見成擒唾手間枹鼓不驚

雞自午先生閉戶養一作三關了

尋梅二首

聞道香寒犯雪開
駆裘絮帽探春來
立春恰在王正朔
次第羣芳不待催

其二

樂事何如憂患多
尋梅不厭數經過
從今直到楊花盡
終始春風亦幾何

寄曾伯容

豈是從前蹤跡踈
三年不送一行書
襄山儻有陪鄰地

為問洲中種木奴

次韻呂居仁共二首

望山

文章二子東西漢人物諸何大小山西海有家歸未得

眼看寸碧便怡顏

榴花

安石榴花作意開枝藜聊復為渠來何人風味更不淺

展齒崢嶸付綠苔

虞姬墓

風悲月黑楚歌聞
泣下虞兮夜未分
千騎星飛向前死
不知誰為閉荒墳

霸王城

百年父老不知兵
楚漢相持尚有營
日暮牛羊歸虎落
野雞飛過霸王城

病起觀垂絲海棠感慨作二絕句

遲日暖風逼春事
海棠垂絲轉嬌羞
分明綽約若處子

桃杏塵凡非此流

其二

賣花擔上誇桃李頓使春工不值錢莫怪海棠不受折

要令笄珥

一作雲髻絕凡緣

律詩下

祝髮後作

用海印和尚韻和吳提刑遊山頌

白崖老將卧遙岑苗裔分明祖少林遂有樂天來問道
不妨黃蘖為傳心繩床斜月坐秋晚石銚寒泉語夜深

一枕竹風清未曉堂堂魚鼓現觀音

用前韻示謝公定學士

一云謝公定好佛而不
知禪自以為有得用韻

示之

買金須是識真金學道先防邪見林

一云師子寧游模擬林

切忌

隨言因作解直須見色便明心大圓覺海波瀾濶優鉢
羅花根蒂深只者若還親薦得十方俱現海潮音

用前韻示官人

賈時舉宣德江聖傳司戶
參禪而不精進用韻勉之

古路玄微難謾尋古人須猶一作要飽叢林待聞牆壁熾

然說方見風幡便是心鼻孔易隨人事去
鬚毛空覺歲華深兒啼女喚君知否盡是頻伽美妙一作音好

用前韻示同參

談玄說妙隔千岑遇取諸方荆棘林雲門云過得荆棘林是好手三界有誰教學道十方無法謾求心老胡生下後一作家先

破達磨西來病轉深却問誰知第一句恒沙諸佛未知

音一作文殊推倒病觀音

答惠海首座五首海乃圓照禪師小師

鬧市叢邊荆棘侵梅檜獨秀舊園林俊駒昔是吾家瑞
老鶴今猶萬里心短笛淒清秋水澗亂山高下白雲深
當年得力分^明處^一聽^煙_{一作演}一音_{其人欲住院}

其二

龍生龍子氣駸駸拄杖橫擔徧寶林果得雲門函蓋句
肯忘黃蘖老婆心扶疎綠樹西風薄零落黃花秋意深
若問宗風竟誰嗣請將消息問威音

其三

莫歎宗師久屈沉趙州八十尚叢林脚根點地便無事
鼻孔撩天非有心落筆滿堂嗟微妙談玄終日見精深
丁寧佛法無多子三角泥牛演梵音

其四

餅鉢隨緣訪古今皎如玉樹倚寒林投機不礙多玄辯
寄宿何曾有執心無着禪板蒲團人已靜博山沈水觀方
深從來大器宜成晚王國公卿多賞音其人有求於京師

其五

流輩推高不獨今當年成箇便平林白雲縱有為霖意
流水曾無戀影心問道故人歸雨後供香童子立更深
青山不免露頭角短幅斜封更嗣音

喜官人悟道

白崖峰頂絕躋攀到者方知到者難聞道裴公纔一喏
便從偃老破三關人生有限隨流去佛法無多掣電間
喜見伽陀辨端的倒騎驢子上幡竿

閩人蒲君錫提舉齒參老師悟道唱和四首

一喏推翻十二峰

請得黃蘖喚裴百丈每喚僧云大衆大衆間百丈云已休參而有悟

三乘四庫當時通自

聞百丈下堂句

是什
麼古人因之為百丈下堂句時有一類無眼長老以邪說惑之蒲既悟道笑而折之

破提婆外道宗

畫角曉吹

深徑雪寒梅晴放小塘風孤峰頂上他年事又是籌盈

石室中

時蒲孟光亦有首

其二

魔法年來逞獨雄不令人說悟圓通儻無上士已親證
爭識吾家是正宗飽腹豈因食畫餅開花須是得春風

從今同道方相委九尾烏龜嘯月中

其三

東西南北本來同自有時人礙不通了後何妨三藏教
悟來那有五家宗學飛鵬鷁雄吞野出腹麒麟要弄風
到底輸他真鼻孔癡人空坐黑山中

其四

老胡入草太無窮直指仙人那一通今日大顛回吏部
他年李勃嗣歸宗華夷元共一輪月今古曾無兩樣風

從此牧牛真石輦肯令信脚犯苗中

別用韻寄諸同參

好笑多知一老翁須言妙用及神通我無佛說并一作兼

魔說誰問南宗與北宗麤飯有時聊飽腹破衣隨分且
遮風他年同道如相遇沙鉢煨茶竹葉中

寄夏均父二首

好雪春一作年來番更番思君未說幾時還有心便欲辭

彭澤更嬾聊須到魯山酒肉異時相煦濕功名他日已

爛斑故人若問別來事舉似雲門第二關

其二

四海交情未有君解衣推食見情真平生爛漫如一日
萬里周旋覺更親我已山林新祝髮君猶州縣故隨人
而今官意知何似一作蟹螯難
肋無多子早晚歸來洗世塵

海印生日

優鉢羅花此日開法王真子異凡材平生極力參耆舊
晚歲傾心接後來得意篇章渾簡易忘情風境自徘徊

兒孫只麼酬恩德倒挽滄溟作壽杯

同廣德和尚及諸禪伯遊山有作次其韻

捫蘿挽石復穿雲却歎公侯走世塵碧嶂回眸三界小
紅崖移步百花春長沙只解隨芳草王老猶難避鬼神
不道遊山末後句瘦藤遙指牧牛人

再次前韻

芒鞋短杖訪松筠未許癡禪繼後塵碧嶂烟嵐千頃潤
紅崖花草四時春林中儻遇狻猊獸日下休看舜若神

却笑子湖窮鬼子猶將消息問時人

次韻答呂居仁

向來相許濟時功大似頻婆餉遠空我已定交木上座
君猶求舊管城公文章不療百年老世事能磨一作排雙
頰紅好貸夜窓三十刻胡床趺坐究幡風

再次前韻

曾將千古較窮通芥孔能容幾許空借問折脣辭五斗
何如折臂取三公四時但覺風雨過一飯奚須刀匕紅

要識壞魔三昧力更培根撥待春風

吾友汪信民博士近聞參道甚力昨日得書云
喪其偶其言耿耿有不釋然者因寄此頌開
之且挽其進

悼亡應作斷腸聲此恨從來不易平墮淚要知非轉物
鼓盆政恐未忘情踈親憎愛無非妄生死存亡但有名
着力早須無底鉢優曇在火更晶明

龜山戲贈諧文章

水母潭邊窄堵波下頭有箇老禪和蒲鞋舊一作日曾

異

供母寶壽平生不渡河衣鉢三千舊風景一作被夜形模十

二古頭陀是凡是聖人休問門外寒松卷薜蘿

次韻呂無求入山會宿北窓

駐車決遣底匆匆求宿西湖北面峰旋掩竹窓移短榻
徐敲冰甕淪長松名高政恐為深累道大由來自不容
顧我與公無二患孤燈相對兩踈慵

無求用前韻作雪詩見寄亦次其韻

卷二
一夜花飛殿暮冬曉驚銀色現前峰增肥幻質饒冰柱
埋沒虛名歎瓦松素紙不書思雪老白圭無玷憶南容
知君豈乏扁舟興哦罷新詩興已慵

贈靈巖德雲庵主

道人徧歷五家宗歸隱林間事事慵棐几有時吟夜雨
杖藜隨意倚寒松挿天戶牖險更險拔地樓臺重復重
借問師庵在何處巍巍坐斷妙高峰

德雲庵詩

巖下虛通上入雲衆山圍繞一山尊德雲只在此峰頂
童子何妨問法門已種禪松三百本待移蒼竹一千根
不須更學藥山老月下嘯聲驚遠村

次韻鑑碧軒

當軒方鑑碧溶溶無事道人居此中弟子來參洗鉢話
朋遊舊識釣魚翁一奩深潭桃花雨數尺寒漪竹葉風
箇處好懷誰共委俯青飛鳥過晴空

再次前韻

不待山腰轉籌龍一函寒碧自深中未容濠上觀魚客
聊許雙林照影翁雨後蝸牛羣飲月春餘水馬競追風
井蛙海鼈難棲泊會看長虹下晚空

楊梅

五月楊梅正滿林初疑一核價千金味方河朔蒲桃重
色比瀘南荔子深飛飴似聞新入貢登盤不見舊供吟
詩成欲寄山中舊恐起頭陀愛渴心

次韻

南山北嶺總成林野嫗名園獨擅金實熟每憂風雨橫

楊梅一夕風雨即落不中食此物着子最遲品題可配荔

枝譜風味能忘莊舄吟食罷蜜脾聊殿後半釣新月在

房心

戲乞石菖蒲

古澗靈苗不易遭寸根拳石着身牢齊如秧稻刺春水
小似神龜負綠毛未與幽人供壽考曾隨遷客賦離騷
阿師垂手入鄆去應許珍奇付我曹

次韻鄉山主梅花

歲事功成雪洗塵化工，着意製清新。遂教天下無雙色。
來作人間第一春。未許一作辨

調羹傅嚴老聊從一作牽憑

興杜陵人遙知月下遠千匝，桃李成蹊未是頻。

送廣上人

師住匡廬南面山，飛來峰下略閑單。時情淡薄知音少，
吾道彫零行路難。何必善書須學衛，未應解義必師安。
丈夫不用尋塵跡，自向虛空着羽翰。

再次韻關子開

我初詎誤輩簪纓君亦前生失念僧得意那知蟻旋磨
反身方悟鼠侵藤高才自合參廊廟朽質聊須活斗升
已破小團盟異日速來相就鑿春冰

用前韻答呂無求

聰明強健不聾丞時出高言欲作僧客至解衣揮玉塵
詩成落筆掃溪藤園如靖節不難去座比維摩豈易升
退食略無聲色累自磨煤麝寫陽冰

用前韻答湛長老

阿師歌詠過騰騰
豈是尋常粥飯僧
自了木平三擔土
何須寂子四揮藤
新詩似錦誰能濯
高論如天不可升
飯罷關門香一豆
淨琉璃鉢泛輕冰

次韻孫嚮仲自靈隱歸餘杭二首

淡月晴風奏曉涼
春回草木被餘香
溪橋村落牛羊散
竹塢人家桑柘忙
大樹稍疑經櫨社
羣雞端恐過戶鄉
年來課最何須問
翁媼茅簷話短長

其二

冷泉亭下漱甘涼十里猶餘齒頰香入境自知風俗厚
到家應覺簿書忙好依名教窮真樂莫指溫柔是舊鄉
此理不疑何用卜誰論筮短與龜長

送以照上人

三年坐夏飽湖山夢遶江南身未還一見道人知妙質
漸聞鄉語破衰顏朱輪華轂何曾乏白拂長藤自不閑
特立如師世無幾為君出戶立潺湲

次韻靈隱小軒

小軒容膝趣清深只有溪風夜月侵
絡石靜移春後蔓凌霄危露雨中心
松窓舊草秋蛇帖棐几誰賡雪子吟
他日幽人問佳致茂林修竹似山陰

次韻答劉通判二首

補牢初未益亡羊始悔出山謀不臧求志已甘長貿貿
應緣何苦自皇皇曾更世上風濤澗方悟閑中氣味長
富貴如公非我比春蘭秋菊各馨香

其二

何事先生倦世榮非貪水碧與山青乞身高節恐難遂
捷徑浮言固不經聞道金丹能化鶴豈同腐草止為螢
宰官本是隨緣現不礙他年叩玉扃

晁以道贈楊中立詩有談禪詆毀之語蓋以諷
予因用其韻解嘲且開之云

西來碧眼困津梁只要教渠識舊鄉常恐佛魔相蹂躪
故提邪正為平章好隨魚化禹門去莫學蠅鑽窓紙忙

誦箒忘苦解成道可憐楚些漫沉湘

用曾伯容韻贈不愚兄

叢林隨處便安身龍象何曾輩六羣盛德若愚常宴默
佳言如屑間繽紛蒲團石上坐明月茗椀松間打亂雲
無限青山元屬我而今不免為中分

贈伯容

放牛歸馬老將軍直道從來不黨羣妙唱揮毫飛衮衮
高談奮塵墮紛紛文章千古陶元亮筆札平生谷子雲

惟有丁寧一大事頗遭魔腎每瓜分

和不愚兄庵頌三首

此庵俄壞復俄成步屢相從了此生鶴不乘軒方自舞
羈非求友為誰鳴冬蘋弄色應分甕春齊聞香莫憂鑄
月下相尋記低語松間烏鵲恐飛驚

其二

四海歸來坐太平莫令華雨惱空生歸雲無事朝猶卷
老馬休心夜不鳴勝處林泉九節杖閑中日月二升鑄

曉來乞火打庵戶想見春風一夢驚

其三

常恨山居寡弟兄阿師庵就可憐生輔車豈但圖相倚
獨掌從來不浪鳴野老獻謀脩水砦山童相喚借茶鑪
年來活計渾成就猿鶴安棲定不驚

用朱元方韻寄深明郎中二首

當時冠蓋集祇園大似農夫值有年龐老一言投馬祖
陸侯徹底見南泉古今已自融三際語默何曾落二邊

父子並為同社客團藥應詁老婆禪

其二

剎那念念轉光陰已過方來不住今身似虛舟從不繫
魔如敵國謾相侵未能以幻還脩幻豈暇將心更用心
以說為宗遍天下思公一笑白雲深

送曾伯容還漢上

軋軋藍輿來者誰朝廷遺此一男兒襟懷朗朗百間屋
局量汪汪萬頃陂異日小生端欲吏邇來至德益堪師

比伯容多葬里
巷不能葬者 贈行一句西來意雨後春江渌渺瀾

次韻鏡上人三首

妙處從來自不傳少時喜樂似初禪為山何止不成簣
掘井于今未及泉自了一生同作夢頻麾萬事付蒼烟
因師聊作逢塲戲老馬為駒不受鞭

其二

色聲香味心緣觸忍進戶檀般若禪但識曹溪一滴味
始知天下別無泉乳衣百滌猶聞氣城郭非遙早見烟

到底輸他真定力暮途快馬亦須鞭

其三

相見無言意已傳不談名利不談禪
靜如秋浦翹雙鶴清似寒巖落瀑泉
隱逸妄人居妙室功名渠輩畫凌烟
二流蘚蘚追難及老大難揮馬腹鞭

改德士頌五首

自知祝髮非華我故欲毀形從道人聖主如天苦憐憫
復令加我舊冠巾

其二

舊說螟蛉逢蜾蠃異時胡蝶夢莊周世間物化渾如夢
夢裡惺惺却自由

其三

德士舊嘗稱進士黃冠初不異儒冠種種是名名是假
世人誰不被名謾

其四

衲子紛紛惱不禁倚松傳與法安心餅盤釵釧形雖異

還我從來一色金

其五

少年曾着書生帽老大當簪德士冠此身無我亦無物
三教空名何處安

法門復故聖恩深厚矣自此恐雲巢不能久栖
當為衆一起承示佳句因用韻備載之

佛日光芒忽再懸歡呼萬國戴堯天不須苦薩行求鉢

昔佛嘗捨鉢於池鉢便沉沒下至七十二恒河沙等刹
土佛勅舍利弗等諸弟子行求鉢聞舍利弗等各各承

佛威神及自神足力入八萬三昧過萬佛刹皆不能見
鉢所在最後文殊師利不捨衆會以闍_闍取鉢持以二佛
事見阿閦世經及放鉢經吾鉢_闍時改形易名_闍
蓋嘗沉沒矣今蒙聖恩復得用舊鉢自是如來

許覆肩

佛勅阿難聽着覆肩衣事見大智度論

雲漢飛騰新放鶴江湖遊

泳不烹鮮雲巢從此棲難穩珪玉今逢豐富年

不愚兄再示佳句如璧亦重用來韻

聖慈何事輒翻然日月從來本麗天食座千冠_闍掃跡

禪堂百衲便羞肩朝三暮四渾堪笑秋菊春蘭豈鬪鮮
但得時和湯餅足不材從此盡天年

比復僧相不愚戲作三頌恐傍觀以謂吾徒實
有喜慍故復次來韻不免道破兼寄祖禹同

參道人

聖主生知本解禪故教勘破普周天一原大似東西水
同體何殊左右肩把定絲毫渾沮喪放開須刻便芳鮮
衲僧敗闕知多少且笑鬚舒三十年交游中惟祖禹獨了此事蓋自非凡

再次韻且名遊山

勞生擾擾苦推遷擬疏行藏細問天壯歲同尊曲阜履

老來幾拍洪崖肩自聞
新澤春雷動喜見清詩蜀錦鮮
莫怪招呼玩花草要回皓首作丁年

適承再示佳句亦強勉再成一首

擺落紅塵罷作緣從渠早晚離西天何妨展軸卧翹足
未暇隨人笑脅肩但許南泉到癡鈍莫依投子覓新鮮
佛魔一掃雙無用陋矣莊生大小年

昨日一詩乃是見贈亦復次韻為報

阿師臥處白雲連几外千峰秀接天漸畏聲名收虎視

何嘗骨相露
鶯肩雄風高
論鷁飛退皓
雪新詩鶴奪鮮
老眼變摩今有待
徵書同到起延年

昔嚴延年丞相御史府徵書同日到

復用韻成一首特作狡猾爾勿誚吾作夢也想

當一笑

憶昔兒曹氣尚全
逢人箕踞輒談天
攝衣便欲探平龍
頷唾手何辭舉
彘肩自免敝冠歸
落寞便磨餘墨壞華
鮮如今事事皆慵退
大似黃楊厄閏年

復用韻自詠倚松一首

庵外無人誰過前老松千丈獨參天煮茶春水漸過膝
却虎短牆纔及肩已退晚雲歸浩浩未分芽菊競鮮鮮
客來問我何時住笑指松枝數歲年凡木惟松枝一歲則長一層歷歷可數

昨日承佳贈浮實甚矣謹再用韻酬贈

嘗徧諸方五味禪不須鼻孔便撩天自應猊座長垂手
只許巢雲暫息肩世外豈無羊氏鶴人間多滯禹門鮮
便當勉為衆生起趣取靈芝三秀年

復用前韻寄伯容兼其三子

高閣巍臨漢水邊從來談舌自摩天華公不用徒辭位
嚙等何堪復比肩他日屢藏閭里骨而今時縱校人鮮
龐公父子皆知道試問王家三少年

再用韻戲作二庵圖

人說雙庵鶲壁巔妙高峯頂四禪天夢魂似亦曾招手
昔定光師先居天台佛隴峯其後智者後至定光曰此處金地吾已居之北峯銀地師可居焉智者嘗有招手
之千里猶堪論比肩古語云千里一士尚曰比肩一渌水白雲同一妙
夢

蒼松翠竹自相鮮誰能為作虎頭畫傳與人間五百年

顧長康嘗畫謝幼輿在巖石裏

不愚兄示上元佳句謹次韻為笑

溪雲釀雪展還收數日春嚴罷出遊月竹蕭蕭香轉座
餅湯隱隱被蒙頭一燈聊破上元夢半夜稍增塗足油
說妙談玄吾不會從教高挂雪峯球時二卷各戲作一燈球

再次前韻

佳節山家事事休一菴容膝自優游殘梅韻勝窺籬落

滿月光寒上隴頭不待玄沙行乞火何須投子更攜油
夜深自倚蒲團困誰問渠儂馬打球

再用韻戲紀山中之勝

人既無心境自幽問渠何事世間遊連雲自種蘭千本
帶雪新裁橘數頭已架酴醿連外戶便留簷葛壓香油
明年不怕春寒重收拾東風柳絮綵

用韻奉贈巢雲兄

南有雪峰北趙州橫擔拄杖徧曹遊四方叢席闊如市

幾箇衲僧真到頭
萬里山川困行李
三冬文史費膏油
何如了事巢雲老
解打湍流水上球

老嬾一首亦次元韻

枕石眠雲漱碧流
胷中元自有天游
莊生達士方疑夢
演若狂夫正怖頭
未了色空魚畏紈
不忘念慧鉢持油
見大涅槃經
老夫無此閑家具
一任年華若轉球

均父約去年十月還襄陽今已二月矣尚未聞

漢上消息因誦舊寄渠詩二首用其韻寄之

聞道祁陽已賜環春來何事未言還移書漢上二三友
寄夢湖南千萬山顧我幸緣樗散老知儂真坐虎文班
歸來此度心應死不待丸泥封漢闕

其二

歸期小雪已中春常恐傳言遠未真慎莫錙銖論得喪
政須平等視寃親懸知江海山林士不中功名富貴人
聞道扁舟期訪我來時莫帶庾公塵均父已有書約伯容同泛舟見過

次韻趙承之殿撰二首

第一流中能幾人
瑤林瓊樹恐無隣
恬遊事外緣聞道
憂到眉端止為民
出處不譁渾入妙
文章無意自通神
頭青面雪闢渠事
要作菖蒲几研春

其二

晚辭富貴功名士
竟作東西南北人
早歲衣冠如昨夢
平生筆墨累閑身
時情尺水翻千丈
世故秋毫窯一塵
自有使君天上士
新詩揮掃喚人頻

田熙載比失解留詩別承之殿撰承之用其韻

以寵其行如璧亦次其韻

田侯蘊藉絕凡塵常苦冥冥天勝人可但淵源深孔孟
更無學術略儀秦且尋未耨聊餉口未置文章便穩身
幸有使君敦眷舊轉令名字落簪紳

捫蝨新籬

甕牖近山巔人言闕短垣聊須安虎落未免伐龍孫留
路依松罅埋椿避石根從今有來客道得始開門

次韻湛老菖蒲二首

溪澗渠無數窓奩此獨幽蘋繁惟祭祀楊柳謾風流根
抱千年老苗舒一寸柔內剛還外順不對道人羞

其二

永辭寒澗密來作寶坊幽着脚非危石退身曾急流江
蘆強剛復野蔓太優柔會有仙人食王公未敢羞

劉仲高儀曹左顧林下重話十年之別作詩見

贈次韻

下馬疑高韻披襟記舊游從頭推故跡屈指盡名流安

否何勞問行藏不用籌夜闌重換燭羣吏且前休

再次韻

四海班揚譽平生支許游芝蘭端秀潤楊柳未風流異
日玉堂草何年石室壽顧公隨處用擇地豈真休

山居雜頌七首

幾被儒冠誤此身偶然隨分作閑人二時粥飯隨堂飽
長短高低一任君

其二

金匱正直 卷二
石楠子熟雪微乾曾向人家畫裏看觀面似君君未領
問君何處有遮欄

其三

禪堂茶退一作罷卷殘經竹杖芒一作麻鞋信脚行山盡路
回人跡絕竹雞時作兩三聲

其四

溪邊小立聽溪聲日到溪心哀哀明獨木自橫人不渡
隔溪黃犢轉頭鳴

其五

華嚴臺一作堂

上平如掌自是遊人路不通要識普賢真

境

一作法界亂山如浪湧一作白雲中

其六

律師持律笑禪寂禪客參禪笑律拘禪律二途俱不涉
一作學幾箇男兒是丈夫

其七

數日春晴退水痕落花如抱擁藤根過盡遊人渾不見

又隨波浪下前村

再送不愚兄二首

搖頭擺尾赤梢鯉
當年一躍過龍門
諸方若要知來處
的的雲門七代孫

其二

今代識真人已少
紛紛魚目亂驪珠
兄持萬古連城璧
只可深藏莫似渠

送本覺上座

寶山親到宜着力只為人情空手回路上逢人如借問

莫言曾見德山來

蜜蜂頌四首

不辭傾倒為君甜只要教君脫舊粘貶上眉毛還蹉過

莫令教一作唇齒帶廉纖

其二

非但桃花與杏花萬家春色總吾家花須造化無人會

月落空庭竹影斜

其三

三尺剗桐表裏渾箇中特地好乾坤禪流不用關門戶
却怕針鋒着面門

其四

渠家世代惡兒孫激箭機鋒一作浩不易親閑處逢人

浩叢林

遭一作相
逢時一剗可憐多少負恩人

寶誌禪師梁天監中將入寂然一燭付後閣舍

人吳慶慶以事聞帝歎曰大師不復留矣燭

者將以後事囑我乎頌

已是梁王不識真
末後殷勤付舍人
柳花飛盡鶯猶語
獨對鍾山指暮雲

次韻護公首座贊廣德磨衲升座五首

碧眼傳來浪得名
老盧持去更喧爭
寶嚴自有新磨衲
不動煙塵度四生

其二

百衲新披膝按藤
衆魔從此息紛爭
笑他雞足峰前客

卷二
猶自區區待下生

其三

諸天行樂正崢嶸八臂修羅苦戰爭誰似萬桐山下老
提撕磨衲示無生

其四

衆身卑小總難勝挂向師身恰不爭大地山河皆裏許
衲僧眨眼太遲生

其五

擁衲垂慈矜不能每逢魔外直須爭人來若問新鮮句
木女懷兒昨夜生

送浹上座如餘杭刻慈覺老人語錄五首

楊子江頭水拍天導師曾此應機緣渾金璞玉公收拾
付與知音萬古傳

其二

四十九年無一字少林面壁太忉忉世人未會箇中意
試把遺編讀一遭

其三

啾啾蚊蚋蟻中鳴擬議莊周舊典刑好與刻成無字印
須彌頂上震雷霆

其四

時人浩浩說無言政使無言恰是邊若道阿師能答話
五刑何止更三千

其五

受持法藏不辭煩如水傳餅有阿難已得當年未後句

旃檀林裏自旃檀

蔡伯世呂隆禮敦智李肅老求頌二首

稻麻竹葦學禪人四子年來意甚真却是箇中相為切
木魚光裏現三身

其二

文章於道未為尊爭似無為實相門要做仲尼真弟子
須參達磨的兒孫如何是達磨兒孫之乎者也

偶作

丹霞到了被人謾選佛何曾異選官爭似白雲無事客
茅檐冬日卧蒲團

臘月八日送塵禪者往長蘆

當年達磨度蘆處今日如來成道時此處此時聊贈別
不求佛祖是男兒

送池州諸化士四首

禪家妙用似孫吳竒正相生非一途若見施銀甘行者
須教紅焰起冰壺

其二

獨行如犀未足嘉鄧中隨處自那伽多應平等隨緣度
豈必王侯將相家

其三

非朝非市亦非山萬頃江頭舊祖闢七百道人同一鉢
付君分衛到人間

其四

如聞大匠構明堂自有兒孫作棟梁今日着衣持鉢去

東風殘雪野梅香

答惇上人七首

平生跌蕩坐窮詩
今日論詩似舊時
第一義中無適莫
為君重賦楚人辭

其二

因君撩我強題詩
却憶當年夢裏時
不識江南好風景
採蘋人唱鷓鴣辭

其三

朝學中庸暮學詩
晚年長憶疊年時
如今老大渾彫落
稍欲從君理繫辭

其四

少矜平子四愁詩
晚學趙州十二時
千里故人不解事
書來猶寄竹枝辭

其五

漫說一言能蔽詩五千
同具剎那時向來可與言詩者
得志方能不害辭

其六

鐵面禪師罵學詩為憐虛度太平時須知十萬八千偈
不比人間絕妙辭

其七

非是談禪非說詩相逢無處亦無時爐煙趺坐對終日
舊社知音去不辭

雨中同無求遊龍山勝相觀丈六金銅像歷諸

小刹無求作詩紀事次其韻三首

細雨無煙晝不開杖藜同訪古如來聲求色見無非道
舉似時人一任猜

其二

芒屨印雨涉泥行誰是官人誰是僧我已無心慕支遁
君今寧復愧孫登

其三

剥啄敲門驚隙塵
開門隨處得清新
獨憐桂子花
閒處不見題詩病道人

上竺知客肇師示蘓仲豫參寥唱和韞秀堂二
絕句求和因追次其韻二首

光明奇秀豈能藏草自纖柔檜自長不待博山薦沉水
道人親佩法身香

其二

休詰紛紛故惱渠似持鐘鼓樂爰居西來未欲深藏跡
人境聊須暫結廬

師節受業師慈慧公喜草書得海老琴訣之妙

以醫隱於會稽比以草書四詩招師節歸山
師節次其韻報之余亦為賦四首

絃上平生要妙聲只知求古不求名遙憐月下無人處
滿寫千秋萬古情

其二

肘後神方濟物深得之於手應之心好山不惜能分客
歲晚當容支道林

其三

平生春蚓秋蛇手他日陽春白雪歌況有古靈歸論道似師此樂世無多

其四

百戰將軍老不衰年來白髮漸垂稽山自古多嘉遁
不為鱸魚更好歸

送印大師參靈峰卿老

四海無家一道人雲山未肯便安身冷泉亭畔腰包去
芝草峰邊更問津

乞石菖蒲

香綠茸茸一寸根
清泉白石共寒溫
道人好事能分我
留取爛斑舊蘚痕

蜜蜂

風雨蕭蕭早晚天
放衙時節也隨緣
晨參暮請真叢席
不似癡人更說禪

次韻贈高致虛四首

向來桃李恰隨流
策策風枝又作秋
但得相如完璧去

何妨季子敝貂遊

其二

意君劖履上青雲
豈謂相逢猶問津
柱後惠文如束濕
何妨且作自由人

其三

聞君小隱近山溪
野水平橋竹遶籬
名利區中無此妙
不須辛苦問蓍龜

其四

靈隱冷泉天下奇與君同俯碧琉璃更尋天竺上下寺
休問荀揚大小痴

送通上人為長蘆行乞

白蘋風作蓼花秋萬頃寒濤卷底流八百道人禪定起
送君持鉢上行舟

送玘上人

文章小技竟何須富貴浮雲付與渠衲子平生一拄杖
從來不用護身符

偶成

松下柴門閉綠苔只有蝴蝶雙飛來
蜜蜂兩股大如繭應是前山花已開

謝人送石菖蒲

我有隨身萬斛泉解令平地湧濺濺一寸菖蒲十二節
謝師連石送泉邊

長老欲敲去竹枝透風作涼以頌止之

寒梢展盡玉玲瓏細葉斜枝翠幾重何必敲開損高節

此君元自有清風

題宗子趙明叔盤車圖後

跌宕平生萬里程盤車一展老心驚
溪昏樹暗牛爭力似聽當年風雨聲

漢上示衆

鶴鷗紛紛不自由往來長為稻梁謀
令人却憶遼天鶴萬里無雲漢水秋

眠石

靜中與世不相關草木無情亦自閑挽石枕頭眠落葉
更無魂夢到人間

王通判雪中來訪以頌謝之

料峭嚴風雪滿山
馳裘絮帽叩松關
知公不減王子敬
乘興何妨見戴還

晚起

月落庵前夢未回
松間無限鳥聲催
莫言春色無人賞
野菜花開蝶也來

雙池通老以筭見遺發之皆腐矣作頌戲之

竹籜何事出山遲據案開緘謾朵頤聞道蒼筤三十萬
可能渾長化龍枝

閔老求席因以戲之

百丈曾於堂上卷趙州只向日中鋪贈師七尺高低具
尚打當年鼓笛無

謝洞山和尚惠蔓蒿種

等推三界納秋毫錯被人呼世外高已辨綠蓑青箬笠

溟濛煙雨掐蘿蒿

和曾伯容梅詩二首

氣壓春工千萬枝灑然開我合琉璃知渠有美自難禁

不待雪深風勁時

其二

欲開不開香滿枝小池枝映碧琉璃嶺頭功德真相似
不點光明待幾時

待不愚入山未至

天寒歲暮山骨冷一枝兩枝梅半開酌泉煮茗湯欲竭
彌天道人猶未來

謝扶上人裝毗盧像

道人散步過茅堂憐我毗盧塵覆藏戲出當年三昧手
一彈指頃放毫光

江上

秋江渺渺秋風急蘆花不飛露猶濕江頭倚杖不逢人
鷺鷺飛上漁舟立

送化士

白雲深處白崖山
松下巖邊自往還
折得一枝巖上草
贈渠分衛到人間

送張師哲秀才出山

已向塵籠透此身
來尋擊竹悟心人
眠雲未暖出山去
溪月松風可負君

張師哲求襪樣

贈予倚松真襪樣
不須裁減不須增
青山自有白雲襯

莫向紅塵取次行

榮大師昔從余出應天寧後為洞山古羊副莊
往來稱之因作小頌為寄

年來落莫卧巖谷故人來會巖中宿夜深燈火話西來
重悟當年庵畔竹

送璞和尚出應雙泉之命

漢東諸國隨為大兄出何妨應有緣想見梁家庵畔景
白雲流水舊風煙

檀越許分一株素馨見贈作小詩速之

順陽春色元無數只有秋芳恐未聞好事霍侯人不及
許將秋色為中分

贈頴昌府化士

異時得交天下士觸目琳琅珠玉間年來林下龜藏六
一見道人聊解顏

應上人作法華佛事過余求頌為作短偈

未明心地法華轉心地明時轉法華老子年來渾不會

野梅開過竹橫斜

謝徐通叔

麝香朱李小而香白杏流沙昔未嘗好事北園高隱者

筠籠剪露寄禪房

寄馮大辯二首

閱禮敦詩數范公威名千古在羌戎范公遠矣偏裨老
猶挾仙方可療窮

其二

須髯如戟老將軍未試平生劒有神聖世清明疑不用
且將方術濟時人

送雙泉祥檀頭

自古叢林建立遲說人無數作人稀阿師卷角三冬暖
恰趁開爐作供時

送古上人化漆金州

松外寒梅已破春道人持鉢是行人停舟山畔功成後
早晚歸來細問津

再送古上人

危徑湍溪六月寒
阿師分衛入雲端
有人不辨師真偽
舉似山僧短偈看

贈相師

枯木巖中一病夫
問生何處着榮枯
却須自把軒轅鏡
還見從來面目無

常上人還鄉省視其師

道人行脚半天下
忽打輕包歌式微
莫作趙州中夜遁

古靈且度出家師

次韻周提刑出鄧鄙五首

與道

旌旗肅肅卷秋風赤腳兒童挽乃翁使者回看為農喜
年來衣履不穿空

過厲山驛

古木參天枝欲傾秋風時發半巖聲厲山擬作故園夢
山雨蕭蕭夢不成

過漢東

野菊秋深滿意黃一川禾黍擁人香懸知歲樂農無事
已見茅簷壓酒嘗

棗陽值雨

莫雨淒淒鴉着林綠苔隨意上牆陰問儂此雨妨農否
漠漠無言念更深

普照寺觀竹

招提夜宿竹連村似對諸郎孤竹君獨倚胡床人靜後
總將塵事付浮雲

偶作

丹霞到了被人謾選佛何曾異選官爭似白雲無事客

茅簷冬日卧蒲團

次韻答周提刑二首

與道

負弩先馳入翠藍溪光山綠擁征驂夜堂數刻談名理
却勝平生四海參

其二

神遊曾已徧巖巒占吉當知便賜環值遇貴人真有意

公夢遊山時
與貴人相值
竚看騰躍起鯢桓

次韻春日寄山中故友二首

世人紛紛有底急利欲
着身如束濕道人
擺去鄰虛塵
拄杖芒屨當收拾

其二

雨過殘春一掃空
哦詩自達菊蘭叢
詩成封寄山中舊
風靜鶯啼日破中

別草庵

非利非名非有求浩然乘興亦南遊白雲出洞初無累
綠水逢坳本暫留石徑不移松雨曉茅簷長付竹風秋
客來欲問庵中主柳栗橫桃四百株

陳道人世緣不順隱於術餉其口於四方云將
復如京師乞憐於輕財重義之士冀或有憐
之者因其求頌為作短句

雨後蜂忙燕啄泥野薔薇過柳華飛道人抱藝行天下
好語春鶲似見幾道人欲祝髮於林下故有末後句異
日恐就此緣便將此詩作疏頭可也

輒不得於塵埃
中久處利祿耳

寄襄陽求天麻圓

老僧卧病四告朔苦無靈藥與携扶聞道天麻能肉骨
襄陽耆舊見憐無

洞山宗禪師欲刻五百大阿羅漢又建大閣居
之其門人欽上人實領其化緣事為作小偈
送之

老師略展摩天手便有兒孫建大功五百大士安栖日

漢江千古起清風

贈皇甫道人

三界從來不易安那堪家火更烹煎吾家幸有清涼地
枕上從頭子細看

薔薇

薔薇作架高一丈準擬春風如許長可憐條間一寸葉
中有嫩色三月香

贈熊正臣

渾金璞玉世甚鮮衣冠有識共因之年來訪道倚松室

泥牛闖入醴泉池

和劉仲高過虎溪絕句

先生自得遊山體竹杖芒鞵手自提莫問山僧山裏路

曹侯谿是舊時谿

和愚和尚梅頌

年年春色總輸梅長向百花頭上開却恨今年春獨晚
正須乘月為公來

卷二
曲留仲高

倚松卧病林下寺想望朋友如天人况公座有千里駿
為我少留君勿嗔

戲邀道人觀殘花

尚有殘春已可憐那堪宿雨夜濺濺道人若有惜春意
赤脚來看也直錢

趣舒以明主薄入山二首

官人許過一年餘官行有律不可虛此來偶有山中便

顧公叱馭莫徐徐

其二

春色過人速如電及此花時天意深殘春轉覺春可惜
顧公作意來追尋

贈徐道人

茂林脩竹陰陰地昔日曾為爛漫遊道人況有人倫鑒
為煮新芽更一甌

韓承務過余求頌

官人騎馬松門外下馬敲門眉目清休問西來他日意
遙籬無數竹雞鳴

祝大夫解房州印過山有頌次韻

年來養病卧巖阿多謝龐公盡室過若詢擊竹家風事
休把虛空更撮摩

贈祝大夫令人

三十年來訪道塲驪珠奪得是尋常今日倚松重借問
摩尼從此轉晶光

早起作頌訪愚禪師

曉日瓏璁竹入門石魚吼處恰翻身老夫遽起無餘事
收拾兒童訪道人

范機宜磨頭畫眠有作次其韻

散髮臨流性所便不携裯褥借雲眠山童抱杖立戶外
不索仙旆未敢前

送春

誰知春事妙無窮費盡東君多少工朝來再遶朱欄看

獨有淮陽一朶紅

芍藥花開招大眾看

年來春色妙無窮芍藥今朝又破紅寄語滿堂枯木衆
野花香徑好携筇

仲高留題轉物堂亦次其韻

轉物堂前春爛漫楊花斷送今無餘故人過我勿厭數
免寄寒溫一束書

感新荷

新荷貼貼鋪水面要渠起立良獨難一朝時至鶴鷺立

清涼月下飛颯颯

黃蝶

黃栗留鳴日正長酴醿開盡一川香南園表裏皆濃綠
黃蝶無稽輒地狂

簷菊

浩蕩園林風雨聲鵠鳩撩亂亦悲鳴作球刺芥風吹盡
簷菊林中特地清

百舌

多能百舌弄春晴解作春風百鳥聲獨立高林千尺上
黃鸝無數不能鳴

嘲杜鵑

杜鵑終日苦言歸只解言歸不見機青山本是渠歸處
猶向風前怨落暉

歸鴻

愛夏堂前風卷簾歸鴻無數過前簷杜鵑只解催渠去

應為南方六月炎

山間

杏

一作李

子黃時麥已收槐陰重叠柳條柔山中活計無

疆界

一作書卷却鄙

一作笑

人間萬戶侯

石竹

桃李濃時恰退藏甘隨蕭艾隱風光轉物堂前春欲絕
稍依宮樣試嚴粧

聞故人來

鳴鳩逐婦喧不休浮雲作雨方西流倚松卧病無佳處
聞道故人疾乃瘳

聞杜鵑

落月過山風露清雞聲未作天欲明杜鵑不管人殘夢
南枝飛過北枝鳴

示衆看花

尚有餘春可盡歡何須終日遶闌干倚松庵畔見春後
人間春色不須看

訪韜光庵主不遇

紫蕨伸拳筍破梢柳光飛盡綠陰交道人閉口不知處

黃栗留鳴鵲在巢

寄呂善叔主簿

倚松卧病山林下每荷明公特見憐但得此身常受供
不妨明月在秋天

贈善公華嚴法師

京國馳名四十年華嚴說罷復談禪夜來一昔真懺悔

果然明月在秋天

贈呂無求縣丞約遊嵩少


白葛烏紗松徑遙
溪聲激激雨蕭蕭
樂山樂水自仁智
爭利爭名渠市朝
今日不須沽酒引他年
豈一作待何

只一作麼相尋共寂寥

贈毛雍玉縣丞謝到山中

何事凌寒帶曉暾
高才不肯簿書昏
別峰小寺已鳴磬
夾道短籬猶閉門
雨後松枝渾黛綠
凍餘泉竇尚春溫

聊將二物方君德富貴功名不足論



倚松詩集卷二